



## **Fylkestrafikktryggingutvalet i Sogn og Fjordane ( FTU )**

v/ Johannes Tubbene  
Statens vegvesen  
Askedalen 4  
6863 Leikanger

Sogn og Fjordane  
Askedalen 4  
6863 Leikanger

Tlf: +47 95 23 74 38  
heggestad@tryggtrafikk.no  
www.tryggtrafikk.no

Referanse:

*Dato:*  
23.11.2017

### **Søknad om tildeling av trafikktryggingmidlar for år 2018**

Viser til høyringsutkast Handlingsplan for trafikktryggleik i Sogn og Fjordane 2018 - 2021 samt utlysning av trafikktryggingmidlar. For oppfølging av handlingsplanen innan Trygg Trafikk sitt hovudområde opplæring og informasjon samt Trafikksikker kommune ynskjer vi å gjennomføre følgjande tiltak:

#### **Trafikksikker kommune / Trafikksikker skule / Trafikksikker barnehage**

Trafikksikker kommune er eitt av satsingsområda i den komande handlingsplanen. Trygg Trafikk vil i 2018 fokusere på tiltaket Trafikksikker kommune / Trafikksikker skule / Trafikksikker barnehage. Målet er å få godkjende 10 kommunar, 50 barnehagar og 30 skular godkjende i planperioden. Hensikten med Trafikksikker kommune godkjenningssordninga er å få kommunane sine leiarar til å setje trafikktryggleik i fokus og på dagsorden og få kommunane, her under skulane og barnehagane til å jobbe systembasert slik at dei fyller kriteria for å bli trafikksikre. Dei kommunane, skulane og barnehagane som oppfyller kriteria for dette blir godkjende for 3 år om gongen og får eit skilt med til dømes «Trafikksikker kommune» «Trafikksikker barnehage» osv.

Vi ser for oss at dei skulane / barnehagane som vil bli «Trafikksikker» får eit tilskot for innkjøp av materiell og utstyr på til dømes inntil kr. 4.000,- kvar eller at det vert kjøpt inn tilsvarande gjennom Trygg Trafikk.

Trygg Trafikk har som mål å få minst 3 nye kommunar godkjende som Trafikksikker kommune i 2018. Då må alle sektorane i kommunen fylle kriteria i Trafikksikker kommune konseptet.

Dersom alle skulane og barnehagane i kommunen er Trafikksikre og kommunen elles fyller vilkåra er heile kommunen Trafikksikker kommune.

Status pr. i dag er Årdal kommune godkjent og Gloppen og Eid vil bli godkjent i løpet av første halvår 2018. Fleire kommunar vurderer å kome i gang, i tillegg til enkelte barnehagar og skular.



Trygg Trafikk vil i 2018 jobbe for å få fleire slike intensjonsavtalar med kommunane samstundes som den enkelte barnehage og skule kan jobbe for å bli Trafikksikker på sjølvstendig grunnlag og få godkjenning.

Sjå linken om Trafikksikker kommune: <https://www.tryggtrafikk.no/tema/trafikksikker-kommune/>

I dette arbeidet med kommunane må vi lokalt hente hjelp frå Trygg Trafikk sentralt. Både i forhold til arbeidsmøte og seminar (Workshop) i kommunane og godkjenning av kommunane.

Reise og opphald til dette arbeidet må dekkast her.

### **Barnehagar**

#### **Trafikk kurs for barnehagetilsette – Trafikksikker barnehage**

Trygg Trafikk vil i samarbeid med Høgskulen i Sogn og Fjordane arrangere trafikk kurs i for studentar på barnehagelina på Høgskulen i Sogndal. Dette er eit dagskurs der studentane får bli kursa om trafikktryggleik heile dagen.

I tillegg vil vi arrangere to kurs etterutdanningskurs for dei som jobbar i barnehagane. Disse vil truleg bli arrangerte i Førde og på Nordfjordeid. Føreleser på kursa vert førskulekonsulent frå Trygg Trafikk sentralt.

### **Barnas Trafikkklubb**

Trygg Trafikk har nytvikla konseptet Trafikksikker barnehage. Dette er ein del av prosjektet Trafikksikker kommune. Sjå : [www.trafikksikkerkommune.no](http://www.trafikksikkerkommune.no)

Dette er ein ny trafikkklubb som er laga til barnehagane og førskulebarna. Det er gratis for barnehagane å melde seg inn men nokre av tilleggsprodukta kan dei kjøpe. Her får barnehagane pedagogiske råd og rettleiing korleis dei kan drive trafikkoppdragelse i barnehagane. Trygg trafikk har som mål å gjere kjend klubben for barnhagane og få minst 70% av barnehagane til å melde seg inn i løpet av 2018. Trygg Trafikk vil lage konkurranse mellom barnehagane og ha artiklar frå klubben som premiar.

Vi vil også vere på "barnehagedagane" i Loen i oktober 2018 med informasjon og materiell ev kurs.

### **Gå-opplæring/ foreldreopplæring / skulestart**

Trygg Trafikk har laga nytt undervisningsmateriell **Trafikkboka** til 1-4 klasse.

Denne er tenkt som klassesett. Skular som skaffar seg disse har dei i mange år. Tidlegare sende Trygg Trafikk sentralt ut tilbod til skulane om å få ei bok gratis som demonstrasjon.

Mange skular har teke imot tilbodet, og lokalt i fylket har vi gitt om lag 50 klassesett. Vi vil i 2018 satse på 5 nye klassar som vil få prøve ut dette materiellet samt å tilby dette til



studentane på allmennlærer studiet på Høgskulen i Sogn og Fjordane. Spesielt vil vi satse på skulane som er eller vil bli Trafikksikre skular.

I tillegg vil vi også gå til innkjøp av informasjons materiell til foreldra i samband med skulestart for 6 åringar. Dette sender vi ut til skulane før skulestart.

### **Lærarutdanninga:**

Ved Høgskulen i Sogn og Fjordane ynskjer Trygg Trafikk å gjennomføre trafikkkurs på begge linene som utdannar allmennlærarar (Grunnskulelærarutdanninga GLU 1-7 og GLU 5-10). Dette er ei viktig gruppe som skal ut i yrkeslivet i mange år etterpå jf. handlingsplanen om langsiktige tiltak for god trafikktåferd osv.

### **Sykkelopplæring**

I samband med Kunnskapsløftet og mål om sykling og trafikksikkerheit lagar Trygg Trafikk materiell i forhold til sykkelopplæring og tryggingstutstyr. Sykkelmateriellet er laga i del 1 og del 2. Del 1 er for 4-5. klasse og del 2 er for 5-6. klasse. For å følge opp denne sykkelopplæringa og informasjon om dette vil vi kjøpe inn materiell for å bruke mot skulane, og lærarskulen m.m. Dette for og gje sykkelopplæringa på mellomtrinnet eit løft. Vi vil også vurdere sykkelkurs for lærarar på mellomtrinnet. Trygg Trafikk ynskjer å legge vekt på meir trafikal opplæring på skulane, jf. Kunnskapsløftet. Innbakt i dette vil både sykkelhjelm og sykkellykt vere med som tema.

Trygg Trafikk har også ein sykkelhjelm kampanje med utstilling som vi skal rette inn mot blant andre ungdomsskulane og vaksne ungdommar. I samband med konseptet Trafikksikker skule er sykkelopplæringa og verneutstyr eit svært viktig tiltak og føresetnad.

### **Nettverksmøte sykkel.**

Trygg Trafikk vil også arrangere nettverksmøte med sykkel som tema for lærarar i grunnskulen. Dette vil vi legge til ein av sykkelbyane ev til ein av kommunane som vil bli Trafikksikre kommunar.

### **Refleks**

#### **Reflekskonkurransar for born**

Trygg Trafikk vil invitere 4. og 5. klassane til reflekskonkurransar i grunnskulen. Namnet på konkurransen vert **Den store refleksjakta 2018**. Målet er å få elevane til å leite fram flest mogleg refleksar i heimane sine. Vi veit frå andre stader at det ligg mykje refleksar i jakker, skuffer og skap i dei fleste heimar. Då er det viktig å få dette fram og i bruk. Dei klassane som deltek vil bli premierte.



I tillegg vil vi også i samarbeid med Sogn og Fjordane Fotballkrets arrangere ein reflekskonkurrans for miniputtar og aldersbestemte fotballag / klubbar. Her vil vi premiere laga sine egne gode tiltak med tryggleikspremiar. Det vart gjort i 2017 med stort hell.

### **Refleksdagen 2018**

Den nasjonale refleksdagen 18. oktober 2018 vil Trygg Trafikk i samarbeid med ulike samarbeidspartnarar som Fylkeskommunen, Statens vegvesen, Politiet, frivillige organisasjonar med fleire prøve å koordinere refleks aktivitetane og motivere aktørane til innsats. Det vert utvikla ein eigen refleksdag refleks og vi vil satse på å kjøpe inn ein del av disse som aktørane ev. kan bruke som verktøy denne dagen og utover hausten elles. Det er ofte stor etterspørsel etter refleksar i ulike samanhengar og då kan det vere godt å ha ein del refleksar til å hjelpe disse. I tillegg må dagen også planleggast i god tid saman med samarbeidspartnarar som FTU med fleire.

### **Trafikkopplæring 1- 7 trinn / kompetansebygging og nettverksmøte**

I samband med grunnskulane ynskjer vi å tilby nettverksmøte med kompetansebygging til skulane. Temaet er skulestart, gå opplæring samt sykkelopplæring. Disse samlingane bør vere regionvis ev på kommunenivå, og vi vil nytte oss av mellom andre Trygg Trafikk ambassadøren som vi har i fylket i tillegg til våre eigen kompetanse både lokalt og sentralt.

### **Trafikkopplæring 8 -10 trinn / Trafikk valfag / Trafikalt Grunnkurs**

I 2014 vart det utdanna 23 ungdomsskulelærarar til godkjenning i Trafikalt Grunnkurs. Mesteparten vart utdanna gjennom eit lokalt kurs i Sogndal som Sogn Regionsråd og Trygg Trafikk stod som arrangør for og som FTU støtta økonomisk. Disse gjennomfører no Trafikalt Grunnkurs ute på ungdomsskulane sine, og mange legg dette inn i Trafikk valfag som går over 57 timar. I 2015 til 2017 vart det gjeve tilskot til 6 nye lærarar som blei utdanna og fekk godkjenning som TG lærarar. Trygg Trafikk ynskjer mange fleire lærarar med denne kompetansen i fylket og difor bør det stimulerast til at fleire lærarar kan få ta denne utdanninga.

Lærarar som driv med Trafikalt Grunnkurs/ trafikk valfag i dag har ytra ønske om faglege samlingar i 2018. Ei slik samling har Trygg Trafikk gjennomført kvar vår dei tre siste åra. Trygg Trafikk ynskjer å tilby nettverksmøte med kompetansebygging for disse også i 2018. I denne samanhengen vil vi også her nytte oss av Trygg Trafikk ambassadøren i fylket i tillegg til vår eigen og andre sin kompetanse.

Trygg Trafikk søker om midlar til følgjande tiltak:

Søkjjar	Namn på prosjekt/tiltak	Omtale av tiltak	Søknad sum
Trygg Trafikk	<b>Trafikksikker kommune Trafikksikker skule Trafikksikker barnehage</b>	Få kommunar til å gå inn for å bli godkjende som Trafikksikker kommune, Trafikksikker skule, Trafikksikker barnehage	80.000
Trygg Trafikk	<b>Kurs for barnehagetilsette (Trafikksikker barnehage) Barnas trafikkklubb</b>	2 Kurs for tilsette i barnehagane Prioritet Trafikksikre barnehagar. 1 kurs for studentane på førskulelina ved Høgskulen i S. og Fj.	45.000,-
Trygg Trafikk.	<b>Gå opplæring/ Skulestart</b>	Gå opplærings materiell til elevane Innkjøp av skulestart materiell til foreldra og skulane.	10.000,-
Trygg Trafikk	<b>Sykelopplæring sykkelhjelmkampanje nettverkssamling</b>	I samband med innføring av kunnskapsløftet, er det laga nytt undervisningsmateriell til mellomsteget i grunnskulen. Innkjøp av demonstrasjons materiell til skulane og studentane ved høgskulen. Samt sykkel kurs for lærarar	20.000,-
Trygg Trafikk	<b>Reflekskonkurranse</b>	Lage reflekskonkurranse i grunnskulen Målet er å få elevane til å finne fram refleksar i heimane frå jakker, skuffer og skap. Premiering til deltakande klasser. Arr reflekskonkurranse for miniputtar i samarbeid med S. og Fj Fotballkrets	10.000,-
Trygg Trafikk	<b>Refleksdagen og tema refleks oktober 2017</b>	Innkjøp av refleksar Planlegge å koordinere dagen Ha refleksar til pedagogiske opplegg Skular, barnehagar, organisasjonar mm	30.000,-
Trygg Trafikk	<b>Trafikkopplæring 1-7 trinn Nettverksamling/ kurs høgskulen</b>	Arrangere nettverksamlingar for lærarar. Arr kurs for studentar på lærarutdanninga	30.000

		Bruke TT ambassadør og Trafikksikre skular	
Trygg Trafikk	<b>Trafikkopplæring 8-10 trinn</b> <i>Trafikk valfag / Trafikalt Grunnkurs(TG)</i>	Arrangere nettverksamling for lærarar i ungdomsskulen – trafikk valfag / Trafikalt Grunnkurs. Gje økonomisk støtte til to nye lærarar for TG godkjenning a kr 10.500,-	30.000,-
Sum		<b>Søknad sum:</b>	<b>Kr.255.000,-</b>

Trygg Trafikk søker om **kr. 255.000,-** i tilskot frå FTU for året 2018  
 Trygg Trafikk vil også be om å ha løyve til å justere summene innanfor dei om søkte prosjekta, men at ein held seg innanfor total summen.

Med venleg helsing  
 Trygg Trafikk Sogn og Fjordane

Audun Heggstad  
 Distriktsleiar  
 952 37 438  
[heggstad@tryggtrafikk.no](mailto:heggstad@tryggtrafikk.no)